



Broj: 0101-10266-7/19  
Sarajevo, 07. 01. 2020. godine

Na osnovu člana 69. stav 2. tačka a) i člana 70. stav 4. Zakona o javnim nabavkama („Službeni glasnik BiH“, broj: 39/14) i člana 62. Statuta Univerziteta u Sarajevu, nakon provedenog postupka konkurentskog zahtjeva za dostavu ponuda za javnu nabavku robe – Edukativni laboratorijski softver, na preporuku Komisije za javnu nabavku broj: 0101-10266-6/19 od 06.01. 2019. godine, rektor Univerziteta u Sarajevu donosi sljedeću

### **ODLUKU**

#### **o poništenju postupka javne nabavke robe – Edukativni laboratorijski softver**

##### **Član 1.**

Prihvata se preporuka Komisije za javnu nabavku broj: 0101-10266-6/19 od 06.01.2019. godine i postupak javne nabavke robe: Edukativni laboratorijski softver, SE PONIŠTAVA, iz razloga utvrđenih članom 69. stav 2. tačka a).

##### **Član 2.**

Ova Odluka će biti objavljena na web stranici Univerziteta u Sarajevu [www.unsa.ba](http://www.unsa.ba), u skladu sa članom 70. stav 6. Zakona o javnim nabavkama.

### **O b r a z l o ž e n j e**

Na osnovu Odluke o pokretanju postupka javne nabavke broj: 0101-10266-1/19 od 11. 12. 2019. godine, Univerzitet u Sarajevu je pokrenuo postupak za javnu nabavku robe – Edukativni laboratorijski softver za potrebe Projekta STEPS, MSc in Sustainable Food Production Systems (598963-EPP-1-2018-1-AL-EPPkA2-CBHE-JP).

Za provođenje postupka javne nabavke, Odlukom broj: 0101-10266-2/19 od 11. 12. 2019. godine imenovana je Komisija za provođenje predmetnog postupka javne nabavke.

Obavještenje o javnoj nabavci broj: 999-7-1-154-3-91/19 objavljeno je na Portalu javnih nabavki dana 18. 12. 2019. godine. Istog dana, na Portalu javnih nabavki objavljena je i Tenderska dokumentacija broj: 0101-10266-3/19 od 17. 12. 2019. godine.

*Iz Izvještaja o preuzimanju tenderske dokumentacije* od strane ponuđača, kreiranog sa Portala javnih nabavki dana 26. 12. 2019. godine u 10:02 sati, vidljivo je da su, u periodu koji je ostavljen za dostavljanje ponuda (do 26. 12. 2019. godine), Tendersku dokumentaciju broj: 0101-10266-3/19 od 17. 12. 2019. preuzeli sljedeći potencijalni ponuđači: EMEDING DOO, IT SYSTEMS, EKAPIJA DOO, APICAL DOO, O-MEGA-III D.O.O. SARAJEVO, BBS EUROPE, NET D.O.O. INFORMATIČKI INŽENJERING, IMTEC D.O.O. SARAJEVO, BOSNIEN BUSINESS SYSTEMS, PROINTER ITSS DOO, INSTRUMENTS, TRIFOLIX DOO, CADCAM SOLUTIONS D.O.O., LANACO DOO, TELNET D.O.O, ZK OFFICE, RESULTS CONSULTING.

*Iz Izvještaja o pitanjima i odgovorima u vezi sa tenderskom dokumentacijom*, kreiranog sa Portala javnih nabavki dana 26. 12. 2019. godine u 10:01, vidljivo je da je u periodu koji je

ostavljen za dostavljanje pitanja i odgovora, ponuđač IT SYSTEMS, postavio sljedeće pitanje: Molimo Vas za informaciju o kojoj verziji softvera se radi – Base, Professional ili Full? Također, molimo Vas, ukoliko je moguće, da nam dostavite ime kontakt osobe koja bi bila korisnik licence, kako bismo mogli kreirati ponudu.

Ugovorni organ je u zakonski ostavljenom roku dostavio sljedeći odgovor: Verzija softvera-Base. Vezano za Vašu molbu u pogledu podataka o korisniku licence, u ovoj fazi Ugovorni organ nije u mogućnosti odrediti korisnika i dostaviti podatke o istom.

Na Tendersku dokumentaciju nije bilo žalbi od strane potencijalnih ponuđača.

Iz Zapisnika Komisije za nabavku broj 0101-10266-6/19 od 06. 01. 2020. godine vidljivo je da se Komisija za javnu nabavku sastala dana 26. 12. 2019. godine radi zakazanog otvaranja ponuda, te da je iz Zapisnika o zaprimanju blagovremeno prispjelih ponuda od 26. 12. 2019. godine, konstatovala da nije dostavljena nijedna ponuda u određenom krajnjem roku za dostavljanje ponuda.

Na osnovu navedenog, Komisija za provođenje postupka javne nabavke dala je preporuku rektoru Univerziteta u Sarajevu da za nabavku robe – Edukativni laboratorijski softver, donese odluku o poništenju postupka javne nabavke, iz razloga što nije dostavljena nijedna ponuda u određenom krajnjem roku za dostavu, u postupku konkurentskog zahtjeva za dostavu ponuda.

Iz naprijed navedenih razloga, primjenom člana 69. stav 2. tačka a) Zakona o javnim nabavkama, prihvaćen je prijedlog Komisije za javnu nabavku i odlučeno je kao u dispozitivu ove Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ovog ugovornog organa u pisanoj formi. Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama.

**REKTOR**

  
**prof. dr. Rifat Škrijelj**

Dostaviti:

1. Prorektor za finansije
2. Generalni sekretar
3. Jedinica za internu reviziju
4. Služba za javne nabavke
5. Služba za računovodstvo i finansije
6. web stranica UNSA
7. Podnosiocu zahtjeva
8. a/a

Prilog:

- Zapisnik Komisije za javnu nabavku